

畿

輔

安

瀾

志

畿輔安瀾志

臣王履泰恭纂

衛河卷二

原委

運河卽衛河一名御河一名永濟渠亦曰南運河亦曰北河亦曰漕河又名衛漕又名清河

元和郡縣志館陶縣白溝水本名白渠隋煬帝導爲永濟渠亦名御河西去縣二十里永濟縣永濟

渠在縣西郭內濶一百七十丈深二丈四尺自汲
郡引清淇二水入白溝穿此縣入臨清此渠蓋屯
氏古瀆隋氏修之因名永濟 〔明史河渠志〕自臨

清而北至直沽會白河入海者衛水也自汶上南
旺分流北經張秋至臨清會衛河南至濟寧天井
閘會泗沂沭三水者汶水也淮陽至京口以南之
河通謂之轉運河而由瓜儀達淮安者又謂之南
河由黃河達豐沛曰中河由山東達天津曰北河

曰衛漕衛漕者卽衛河自臨清以北皆稱衛河又名清河 河防志運河自臨清州衛與汶水合流而北謂之衛河隋以後謂之永濟渠又謂之御河元明以來名之曰運河對薊運河而言亦名南運河又名北河又名漕河

漳河之水自西南來合流注之又名漳御河

金史河渠志漳水東北爲御河 永部備考衛河

今名漳御河

又東北流至臨清州西境合於會通河

元史本紀世祖至元二十六年秋七月開安山渠

成詔賜名會通河 又河渠志會通河起於須城

安山之西南

謹案須城今爲東平州

止於臨清之御河其長

二百五十里中建牖三十有一

謹案會通河之源爲汶水文出山東萊蕪縣東北

原山之陽西南流逕泰安縣南又西南至寧陽縣

東北之故剛城枝津左出爲洸水又西南逕滋陽

縣西又西南逕濟寧州城東而西會於漕渠

洸河記元

初於剛城左作斗門引汶水入泗於是洸流始盛
至元二十年會通河開北自奉符爲閘以導汶水
盡入於洸東會泗水出於任城之會源閘而始分
明永樂九年築剛城壩遏汶水不使分流入洸洸
流始微成化十一年主事張盛復爲剛城石閘稍
分汶水支流以入洸嘉靖六年主事吳鵬因洸水
久涸乃於城西導柳泉橫過洸河東西各立一閘
洸水泛漲則閉閘以防其決河水淺澁則啓閘以
達其流南會蛇眼諸泉流經茲
膠於是洸水入漕之流不絕 汶自枝津又西至

東平州之戴村

山東全河備考戴村壩距東平州六十里長五里十三步永樂九年

宋尙書築此壩橫遏汶水南流會通河始得濟運

又西南逕汶上縣北而

至南旺河

卽水經注之茂都澱在縣西南三十五里漕渠西岸

會於漕渠元

導汶入洸其分水在任城明永樂改由汶上謂之

分口

明史宋禮傳禮以會通之源必資汶水乃用汶上老人白英策築剛城及戴村壩橫亘五

里遏汶流使無南入洸而北歸海漚諸泉之水盡出汶上至南旺中分之爲一消南流接徐沛者十

之四北流達臨清者十之六因相地置閘以時蓄洩自分水北至臨清地降九十尺置閘十有七而

達於衛南至沽頭地降百十有六尺置閘二十有一而達於淮居濟一得案宋尚書祠記用白英

計作壩戴村橫亘五里遏汶水令盡出於南旺乃分爲二水以其三南入於漕河以接徐呂以其七

北會於臨清以合漳衛此定制也其三分往南者蓋以南有府河泗河洸河並馬場獨山南陽昭陽

嶺山各湖又有彭家口大泛口二河其餘諸泉不可勝數此所以三分往南而不患其水少也不知始自何年竟改爲七分往南矣惟其七分往南所以每逢雨潦之年濟寧魚市一引山上有淹沒今議仍改爲三分往南民田得免淹沒之患其七分往北者蓋以北止有安山一湖以爲之接濟所以七分往北而不患其水多也不知始自何年竟改爲三分往北矣惟其三分往北水勢甚激而安山一湖又經招租起科矣無水接濟所以每逢亢旱之年東昌一帶在在淺阻今議仍改七分往北庶糧船無淺阻之患

舊案南旺分流明會典諸書皆言四分往南六分往北惟靳輔重修宋康惠祠記有三分往濟南漕七分自分口而南流者逕嘉分北會臨清合漳衛之語

祥縣東又東南逕鉅野縣東又東南逕濟寧州西

又東南流逕魚臺縣東北又東南逕沛縣東北又
東南逕滕縣南又東南逕嶧縣南又東南逕邳州
西又東南逕宿遷縣北又東南逕桃源縣北又東

南逕清河縣北而南達於黃河

河渠考畧嘉祥縣
逕河北自汶上縣

孫村交界南至鉅野縣小長溝北交界凡十六里
鉅野縣逕河北至嘉祥縣大長溝南交界南至濟
寧州曹家井橋北交界凡二十五里濟寧州逕河
自曹家井橋北鉅野縣交界至魚臺縣四里灣交
界凡九十二里有奇魚臺縣逕河自濟寧州四里
灣交界至沛縣界王家口凡八十五里沛縣逕河
自魚臺縣界王家口至滕縣劉昌莊凡四十八里
滕縣逕河自沛縣界劉昌莊至嶧縣界朱姬莊凡

五十里嶧縣運河自滕縣卡嶧莊至邳州黃林莊
凡九十八里邳州運河自嶧縣交界黃林莊至宿
遷縣交界窑灣口凡百二十里宿遷運河自邳州
交界窑灣口至張莊運口凡四十七里昔時漕舟
出清口溯黃河而上至枚河口入運河康熙二十
六年總河靳輔請自駱馬河鑿渠厯宿遷桃源二
縣至清河仲家莊出口避風濤之險名中河三十
八年總河于成龍因清河桃源境內南岸逼近黃
河地勢界下諸水瀾漫難以築隄乃自桃源盛家
道口至清河改鑿六十里名新中河次年總河張
鵬翻於三叉壩以下用新中河之牛三叉壩以上
用舊中河之牛三重加開濬四十二年又改中河於
楊家莊出口清舟出海口順流數里至清河縣東
楊家莊入口自運口至桃源縣交界三岔凡十七
里自三岔至宿遷境內張莊自分口而北流者逕
運口凡一百四十四里有奇

東平州西南安山湖又北逕壽張縣之沙灣

水部備考

元世祖至元二十年以江淮運不通命兵部尚書李粵魯赤等自任城委曲穿河渠至須城縣安民山百五十里北自奉符爲牕一以導汶水入洸東北自兗州爲牕一以遏泗沂出水亦會洸合流出任城會源牕分流南北其西北流者至須城之安民山入清濟故瀆經東阿至利津入海後因海口沙壅又從東阿陸轉二百里抵臨清下章邱是時此河猶未通也二十六年以壽張縣尹韓仲暉太醫院令史邊源相繼言復自安民山之西南開河出壽張西北至東昌又西北至臨清凡二百五十里引汶絕濟直歸漳御因名會通河至洪武二十四年河決原武黑陽山由舊漕州鄆城兩河口漫過安山湖而會通淤永樂九年因濟寧州同知潘叔正言遣尚書朱禮都督周長鑿開此河議未決

乃用老人白英之策築壩截村橫亘五里遏汶水
盡出南旺分流中間自開河袁家口起至沙灣止
舊河北徙或二十里餘皆循其故道而會通河復
開當其時沙灣猶藉黃河之支流以爲助自後張
秋河屢決而宏治六年都御史劉大夏平江伯陳
銳力塞之黃河支流不復爲會通用亦不爲會通
害矣 河渠考畧汶上縣運河南至孫村嘉祥縣
界北至靳家口東平州界凡五十六里有奇東平
州運河自靳家口汶上縣界至三空橋接壽張縣
界凡六十里壽張縣運河自東平州界三空橋至
沙灣舖東阿縣界凡二十里 又北逕東阿縣西南張秋又北逕

陽穀縣東又北逕聊城縣東又北逕堂邑縣東博
平縣西又北逕清平縣西南戴家灣又北與衛河

會於臨清州治之西自是而下謂之衛漕

明史河渠志衛

即衛河兩漕北至臨清與衛河會河渠考東阿縣運河自沙灣鋪接壽張界至五里鋪接陽穀

縣界凡十五里陽穀縣運河自五里鋪接東阿縣界至官窑口鋪接聊城縣界凡六十里聊城縣運

河自陽穀縣界官窑口鋪至堂邑縣界西岸校隄博平縣界東岸李家灣鋪凡六十三里堂邑縣運

河自聊城縣界校隄至清平縣界涵谷洞凡三十五里與博平縣對岸其河道截分十七里半博平

縣運河自聊城縣界呂家灣鋪至清平縣界南田家口凡三十五里與堂邑縣對岸其河道截分十七

里半清平縣運河自博平縣界田家口至臨清州界二十里臨清州運河自清平縣界二十里鋪

至直隸清河縣界鹽店凡四十里一統志運河自兗州府陽穀縣北流至臨清城南貫州城而北

衛河自西來會爲一自陽穀縣官店口鋪入府境
北至臨清州鹽店長一百七十七里卽元明以來
會通河舊道皆汶水也今謂之上河爲開凡九自
臨清州鹽店北至直隸吳橋漸降民口長二百二
十七里皆衛水也今
謂之下河不設閘

又北流逕臨清州北渡口直隸山東兩省交會之區
也

河防志渡口爲臨清清河夏津之交有驛二統
志清源水馬驛在臨清州城西南隅渡口水驛在
州北五十里

又東北流入直隸廣平府清河縣東南境循縣東北
流復入山東夏津武城二縣境

元和郡縣志清河縣永濟渠東南去縣十里夏津
縣屯氏河在縣北北河續記清河縣在運河西
岸三十里二統志清河縣衛河在縣東南二十
五里自臨清州流入夏津縣分界又東北入山東
武城縣界卽古屯氏別河故道元和志謂永濟渠
蓋漢屯氏故瀆後人緣此爲說清淇屯氏遂混而

爲一以水經注考之屯氏河自大河決出逕館陶
清淵之東而東出清河縣之南清淇水逕館陶清
淵之西而出清河之北今考衛河所行自臨清以
上則皆古清淇也自臨清以下則古屯氏也然今
衛河自武城以下又皆清淇所行非屯氏所能至
矣 河防志上河臨清州河道北自直隸清河鹽
店起南至清平縣界二十里鋪止計長四十里西
南衛水自館陶縣流入臨清板閘下與汶河合流

臨清州所管衛河自館陶縣界尖冢集至南板閘
汶衛合流處止計長六十里河寬至十七八丈深
至二丈四五尺不等下河北自直隸河間府吳橋
縣交界德州衛降民口鋪起南至臨清州界鹽店
北半壁店止計程三百二十七里三百零一步屬
東昌府下河通判管轄臨清德州左衛德州衛德
州恩縣故城縣武城縣夏津縣清河縣清河縣河
道北自夏津縣界孫家口起南至臨清州界鹽店

北半壁店止計長二十里夏津縣河道北自武城

縣界橫河口起至清河縣界孫家口止計長二十

七里兩河薛鏡作一十七里武城縣河道北自故城縣界冷

家墳起南至夏津縣界橫河口止計長一百四十

里兩河薛鏡作一百四十六里清河縣志御河在縣東南二

十五里油房集卽衛河上界臨清下抵夏津凡四

十里至聳漢口賈家口等處及其要者淺鋪入俱

臨河

謹案運河自清河縣東南二十五里接山東臨清

州鹽店村界循縣南二哥營起東北行二十里河南

寬二至孫家圈即孫家口油房集復入山東夏津縣界

至郭家屯亦二十里下入武城縣界古淺四處曰

半壁店曰何家墳曰沙窩裡曰土龍頭此爲運河

入直境之始自板閘以北東接會通河之派西合

衛河之水匯流順下水性較北運爲稍平康熙五

十四年因運河水弱盡逼全漳於館陶以濟運逢

汎頻虞暴溢復於四女寺哨馬營

元史百官志有
四女寺哨馬營

使司各一員增建減水壩各一座約令運道水深
四女寺也

七尺過此則減之嗣是瀕河州縣無患河道屬清

河者自北宋時卽與夏津分水長四十里相因曰

久南自臨清州界鹽店村起北至孫家園止又自

油房集起北至夏津縣界郭家屯止均長二十里

其合并東西截分南北爲二十里不知始自何時

康熙三十一年總河靳輔奏請以清豐縣丞爲清

河縣丞又以清河故城二汛河道與山東錯雜奏
請歸山東道廳考察催趲疏濬事宜悉由東省職
掌而河道更局所以與昔時里數異也淺備亦雍
正四年以事關隔省一官兩屬究非體制奉文改
歸直省屬河間府同知管轄焉

清河縣舊有黃盧河疏水渠蔡河一字河東接武城
縣界今堙

謹案黃盧河

明實錄作黃盧河

卽黃路河一名索盧河亦

名枯河在清河縣北一里一字河明實錄作一家河在渭

河縣北三十里蔡河在清河縣東北之謝爐村東

北流入山東武城縣境明實錄和宗隆慶三年以內黃南衆二縣正河淤塞

及小灘上下膠淺黃虛河一家河屬大名兵備會同北河郎中經理方輿紀要一字河在武成縣

西舊農清河縣東北謝爐集有蔡河入武成縣自沙土村北岔出漳水東入運河清河縣連家集

有一字河西通古黃河疏水渠方輿紀要作流東通減水閘入衛河宋清河縣志作流

小起自新集洪河經縣界下入古黃河方輿紀要先是衛河

數決故鑿此渠廣丈餘長四十里過泛濫爲此賴此洩之今謂康熙四十五年濟

寧道張伯行詳請引漳河之水由武城入衛河事
委下河通判同清河武城二縣令勘明其議覆云
漳河至邱縣城濠分爲二其一自城東分流經威
縣南宮清河武城由天津入海名清陽江又名黃
路河對清河之沙土村有蔡河一道接黃路河之
水卽詳請引漳入衛處也蔡河雖有河形現今無
水地勢高於黃路河五六尺自張寬村村在清河縣東二十
五里而東俱係民間承糧之地延袤二十餘里至武

城北方可引入運河若將蔡河深通引之濟運無
論壞民田無數卽開成河而黃路河水小之時尚
寬至五六丈一經水發洶湧浩瀚其勢莫當恐一
緩之運河反有衝決之患自會議後由蔡河引漳
入衛之說遂止詳見漳河篇

又東北流復入直隸河間府故城縣南

漢爲廣川縣

水經注清河又東北流逕棗強縣故城西又東北
流逕廣川縣故城南 二統志故城縣漢爲廣川

縣地北齊爲聚強縣地元置故城縣屬景州明因之

國朝屬河間府 方輿紀要故城縣景州南九十里衛

河在城南自山東武城縣北逕恩縣境入縣界繞城而東入德州界 兩河薛鏡故城縣河道南自武城縣界冷家墳起北至恩縣孟家灣止計長一十六里德州衛河道西自德州界下八里塘起北至直隸吳橋縣降民口鋪止計長八十九里德州

左衛河道次在德州衛河道內長一里有奇

謹案此東直二省河道最交錯處也水勢屈曲回

環多所衝刷故里數較長於舊河面寬三十三丈

至四十丈深二丈二尺至二丈八尺東岸屬山東

西岸自武城縣界冷家墳十四里有奇

舊長十里至

白馬廟交德州衛恩縣兩汛又東北二十六里至

焦姑寺復交故城縣汛經南關外東至孟家灣凡

六里有奇

舊長四里

又東北流復入山東恩縣

漢恩縣屬信都德州境

永經注清河又東北逕恩縣故城南應劭曰廣川縣西北三十里有厯城亭故縣也 河防志恩縣

河道北自德州界曹家口鋪起南至故城縣界孟家灣止計長一十三里三百零二步德州河道北自德州衛界下八里塘起南至恩縣界曹家口鋪止計長一十五里零四步德州左衛河道北自直隸吳橋縣交界降民口鋪起南至德州界下八里

塘止計長八十九里二百二十四步五尺德州左
衛河道夾在德州衛河道內計長一百零二十步
又東北流復入直隸河間府吳橋縣西景州東又東
北流七十里爲吳橋縣連窩驛俗呼連兒窩也

永經注清河又逕修縣故城南屈逕其城東

謹案修音

條漢封周亞夫爲條侯是也城在今景州南十三里

北河續紀吳橋縣治

在運河東岸二十里景州治在運河西岸二十里

景州志衛河今日運河自山東德州西北華家

口又北至蒲皮淺又西北至狼皮淺迤東又西北至安陵鎮凡兩岸隄工二十四里爲淺者四東岸山東德州衛與直隸吳橋分轄以河心爲界一方輿紀要東光西南三十里爲連窩鎮卽吳橋縣連窩驛也與縣北二十里之下口鎮皆衛河所逕商旅奏集處二統志浦窩鎮在吳橋縣西北四十里衛河東岸西南去景州四十里東北去東光縣十八里河防志吳橋縣河道北自東光縣交界

起西岸南至景州交界清水灣止東岸南至山東
德州衛交界王一光塘止計程四十二里景州河
道西岸北自吳橋縣交界清水灣石碣起南至山
東德州衛交界石碑止計程二十四里

謹案景州運河東岸屬吳橋西岸自羅家淺至徐
家莊之對岸凡三十九里其河廣二十八丈至三
十丈深二丈一二尺吳橋縣運河東岸自半截牌
至連窩鎮之對岸凡二十七里其河廣十三四丈

縣西南三十里曰白草窪運河全入直隸省自吳橋縣始東岸接德州衛交界西岸接景州界入縣境屈曲東北入東光縣其西岸之白草窪高馬圈東岸之羅家口於乾隆八年總河白鐘山奏以兩汛隄工錯雜歸并德州衛自開四女寺哨馬營兩減水壩引河分洩有資吳橋一縣首獲其利景州河道南自清河入直隸境後與山東邊界交錯經德州西迤北至德衛第七屯河之西岸交景州屬

屈曲而北東行交吳橋縣安陵把總汛乾隆二十四年總督方觀承奏請歸并東省拓園鎮迤北河道隄工分歸州判管理舊與東省以河心爲界者亦統歸景屬矣

又東北流逕東光縣界又東北流逕下口亦曰夏口又東北流逕交河縣又東北逕天津府南皮縣西界泊頭鎮又東北流逕馮家口入滄州南境

水經淇水又東北過東光縣西〔鄭注〕清河又東

至東光縣西南逕胡蘇亭又東北右會大河故瀆
又逕東光縣故城西〔北河續記東光縣治在運
河東岸三里交河縣治在運河西岸五十里 方
輿紀要東光縣衛河在縣西三里自景州流入縣
界水經注所謂清水也志云衛河有大小龍灣滎
廻而下逕縣北二十里其地名下口謂之下口鎮
又馬頭鎮在縣西三里下臨衛河交河縣衛河在
縣東五十里自東光縣流逕縣東之七里口河皮

縣衛河在縣西二十里自東光縣流入境與交河
縣接界又北流入滄州界河紀云衛河水漲四境
爲患特甚郎兒口在縣東北四十五里馮家口在
縣西北三十里亦與交河縣接界縣西南二十里
又有十二里口皆衛河所經洎頭鎮在交河縣東
五十里衛河西岸 二統志滄州衛河又北逕州
城西舊志衛河自滄州以下本西漢時大河所經
東漢以後爲清漳二瀆所經宋皇祐初河合永濟

仍爲大河所經南渡後大河南徙而衛河如故金
元以來皆漕運所經也 河防志東光縣河道西
岸北自交河縣交界楊家圈起東岸北自南皮縣
交界十二里口起南至吳橋縣交界止計長六十
里交河縣河道西岸自天津衛交界白洋橋起南
至東光縣交界楊家圈止計長八十二里

謹案東光運河自縣南鄉少西接吳橋縣縣丞汛
入境向北屈曲行大小龍灣過縣城西關外距關

廂三里逕北直行三十里東岸入南皮十二里口
西岸入交河楊家圈河身寬二十六丈至二十八
丈不等河底均深二丈長六十里自大小龍灣外
舊名直河大汛順流安赴縣丞所屬東岸逕北入
南皮縣界濱河高阜十餘里有老土領之曰文河
運河南自楊家圈北至黃古隄東北行二十里舊
云八十二里今大半入南皮滄州分轄矣白洋橋
之北下爲好漢墳此交河與滄州交界處也

又東北流逕南皮縣西北境又東北流逕滄州南境
之磚河驛又東北逕捷地則有南減水河之水出焉
又北流逕州城西

水經注淇水又東北過南皮縣西金史地理志
滄州南皮置河倉有永濟河方輿紀要滄州南
二十里有磚河水驛爲衛河津要處北河續紀
南皮縣治在運河東岸十八里滄州治在長蘆鎮
運河東岸十八里滄州之北其山爲中條山其跡

爲盤古溝爲神隄爲鳳皇臺是爲北河之北界

〔南皮縣志〕永濟河在半壁店北漕運衛河卽縣西界在境回環五十餘里自德州而下漸近於海水流甚急易涸易盈邑無水利而多水患 河防志

南皮縣河道東岸自天津右衛交界蕭家樓起南至東光縣交界十里口止長八十六里天津運道南自山東臨清州衛水與汶水合流而北至天津衛潞河入海故亦名衛河北自武清縣交界三岔

河起南至東岸南皮縣交界西岸交河縣交界白
楊橋止歷天津衛靜海霸州青縣滄州所轄共計
程三百四十五里八分

謹案南皮縣運河自縣西二十二里黃古隄接交
河縣界入境東北流六十六里閻家墳接滄州南
界迤磚河大寺屈曲東北流踰捷地逕州城西接
青縣界諸官屯長六十里有奇河身均寬二十丈
深二丈有餘縣志有南路磚河堡西路磚河鎮磚

河舖在捷地之南地向名絕隄今改嘉慶九年減
河淤淺興工挑挖卽此

又北流逕千屯入青縣東南境又東北流逕興濟鎮
則有北減水河之水出焉

北河續記青縣治在運河西岸 方輿紀要青縣
衛河在城東一里自興濟縣流入境合於滹沱亦
名御河亦名永濟河

謹案興濟故縣

本朝順治六年并入青縣興濟鎮在青縣東南三十里
卽故縣也嘉慶九年河流淤淺與捷地減河並濬
又北流逕縣城南舊有滹沱河合老漳河自西南來
注之今已斷流又北流五里逕縣城東又北流逕流
河鎮東

永經淇水東北過浮陽縣西酈注清河東北浮水
故瀆止焉清河又北逕浮陽故城西又東北滹沱
別瀆注焉謂之合河也 二統志衛河北入青縣

界合滹沱河經縣東門外流河鎮在青縣東北三十里衛河西岸 青縣志流河鎮卽流河水驛

謹案青縣運河東岸南自滄州褚官屯擺渡口起入縣境于官屯周官屯馬厰止北入靜海縣之唐官屯長五十九里西岸南自滄州褚官屯擺渡口起入縣境戴家莊胡家嘴少西過鮑家嘴齊家圈流河鎮林家莊翟家圈北入靜海之趙家窪長一百二十一里河面寬二十三丈至二十七丈深一

丈四尺至一丈九尺不等又滹沱河自河間府獻
縣分流逕交河縣抵青縣南七十里杜林鎮復合
康熙三十六年漳河自大名府元城縣流經山東
東昌府館陶縣西南入衛五十四年築隄遏之全
漳入運惟在館陶而鮑家嘴之流遂涸雍正九年
堵完固口而滹沱之流亦斷漳河自河間府交河
縣界來至杜林鎮與滹沱河合又北至青縣南二
里鮑家嘴合於衛河其合處曰汧河口水勢洶湧

濶數十丈子牙河卽滹沱河下流其自青縣西南
來合漳河者乃樂成之滹沱別河舊志以子牙爲
支水而入漳者謂之正流非也 又案魏書地形
志浮陽郡浮陽西接漳水衡水入焉今謂之合口
禹貢錐指縣界清河本西漢時大河之經流王莽
時河徙清河由此北會漳水故酈道元云清漳二
瀆河之舊道也合口在今青縣二里接滄州界觀
此昔今水道不甚懸殊矣亦卽古浮水入海之道

也水經河水篇河水左會浮水故瀆故瀆東絕大河故瀆浮水又東北入東武陽入河蓋舊從滄州東北入海不知何時改從東武陽入河在當時已謂之故瀆註所謂浮水出入津流同逆混併是也清河出此分支入海卽浮瀆矣又水經濁漳水篇又東北過章武縣西酈注清河自章武縣故城西故滅邑也枝瀆出焉謂之滅水東北逕參戶亭參戶或作參后誤應劭曰平舒縣西南五十里有參戶亭故

縣也世謂之平魯城枝水又東注謂之蔡伏溝又東積而爲淀一水逕亭北禹貢雖指青縣宋爲乾寧軍本漢參戶縣兼得青武縣地縣南有參戶縣故城卽酈注所謂參戶亭也青縣新志云減水東北流逕天津鎮東南十里爲大直沽勢平行羣流溢漲茫無涯涘故得厥稱

又東流逕唐官屯入靜海縣境又北流逕縣城西又北流逕當城寨又北流逕碾坨嘴

〔北河續紀〕靜海縣本宋窩口寨縣治在運河東岸
九域志乾寧軍寨六鈞臺軍北六十里獨流北
軍北一百一十里獨流東軍北一百二十里當城
軍北一百三十里沙窩軍東北一百四十里百萬
軍東北一百四十五里 方輿紀要當城在靜海
縣北六十里宋之當城寨也郭鑑曰決黃河御河
之水下注當城是也

〔謹案〕靜海河故道東岸用自唐官屯接青縣界歷

呂官屯東釣臺陳官屯長屯雙堂增福堂南閣北
閣五里莊李家院白楊橋善義庵于家舖良王莊
本廠西岸南自趙家窪接青縣界歷古城窪西釣
臺花園河灘劉家營土家營與賈口橫隄接連獨
流下圈胡家村當城村辛口並轉東至碾垞嘴北
入天津縣界計長一百一十六里河身寬十丈至
十六丈深二丈 又桑太平寰宇記御河西通淤
口雄霸等州水路永濟渠在大城縣東五十里破

鹵軍古淤口開永濟河自霸州永清縣界來經軍
界下入淀泊連海水宋史河渠志東起信安軍永
濟渠西至霸州莫金口爲一水方輿紀要莫州莫
金山宋設莫金口寨於此俗名口頭村永濟渠在
州東又文安縣境有石溝柳河急河三水皆聚流
於此東入蓥河達於直沽三水今皆不可考殆宋
開塘濬之支流歟所謂永濟渠者以其流合御河
故亦得厥稱河防志天津衛西岸卽霸州靜海地

霸州所轄河道隄岸大處共計程二里八分錯落
於靜海縣境內曰盧家口程家口北程家口蘇家
口馮家口北蘓家口靜海本與大城文安霸州接
壤川瀆志亦云衛河北至靜海境與霸州文安縣
接界引而東達天津是也今爲子牙河所隔不復
有衛河流入其界矣 又案御河流至靜海縣入
潮河宋曰界河太平寰宇記御河在乾寧軍乾寧
縣南一十步每日潮水兩至其河從滄州南界入

本軍界東北一百九十里入潮河合流而東七十里於獨流口入海宋史河渠志御河自迤利乾寧入界河達於海禹貢雖指靜海縣境有界河亦曰潮河卽溥沱拒馬易水所會自文安縣流逕縣西北合衛河入海塘灤旣興文安大城之水多入白河其行界河者惟漳衛耳獨流口在縣北二十里劈地口在縣東北

宋史河渠志元豐三年李立之相視河漕至乾寧軍分入東西

兩塘次入界河於劈地口入海通流無阻

又東爲三汭口一統志古界

河在靜海縣西北亦曰潮河古爲滹沱易水拒馬
三水滙流處自文安縣流入合御河今大城文安
之水皆會於武清縣三角淀入白河不入衛河矣
又天津縣新志據宋史河渠志王亞言海口三女
砦天所以限契丹宋遼分界當在今之直沽所謂
天津河亦當在此今考亞所言統自界河至入海
口言之耳一統志云三河砦在靜海東北宋初置
三女砦屬滄州政和二年改曰三河水經注清河

東北逕窮河邑南俗謂之三女城三女砦之名因
此方輿紀要又謂之獨流河今青縣有黑龍港河
分東中西三支合注於大城縣入于牙河米史河
渠志卽以爲緣邊諸水疑卽界河之上流御河入
界河之後卽由天津達海更無二道則界河卽潮
河審矣

又北流迤而西入天津縣境又東北流逕大小稍直

一統志

天津鎮禹貢雒指作海濱
鎮據元史當作津

今天津縣治

河北流至天津縣西

方輿紀要天津衛在河間

府東北三百里北瀕衛河東繞潞河漕舟悉出於

此志云出靜海縣北五十里為楊柳青又十里為

當城又十里為里堡城

天津府志作黑堡城

又十里為小南

湖

宋史地理志作小南河

又十里即小直沽里堡城地名稍

直沽北去小直沽二十里

北河續志天津地居

白河之西衛河之東二水至此合流同入於海

又東流屈逕其縣北是爲天津關又折而東北逕縣東北會白河同入於海河土俗名之曰三岔河口通輿所謂三會海口者也

方輿紀要信安衛在天津衛西北卽漕河曲折處也 明史地理志河間府靜海北有小直沽衛河自西來與白河合入海順天府武清縣有直沽在縣東南衛河白河丁字沽合流於此入海 又河渠志衛河北達天津會白河入海所謂衛漕也其

河流濁勢猛逼道得之始無淺澁然自德州下漸
與海近卑窄易衝潰 河防志天津運河北自武
清縣界三岔河起南至東岸南皮縣西岸交河縣
界止歷天津靜海青縣滄州共三百四十五里
二統志衛河折而東北逕城北與白河會曰三岔
口又東注於海今爲運河卽古清漳二水所合流
也直沽在府城北南則衛河合南路之水北則白
河受北路之水西則丁字沽受三角淀之水皆至

城東北三岔口合流東注舊名小直沽其東南十里曰大直沽今亦謂之海河南北運淀河之會流也潞河在天津縣北亦名白河卽北運河也〔畿輔通志〕三汊河本名三岔口亦名三岔沽衛河西南自靜海縣來逕縣北而東其流濁白河西北自順天府武清縣來亦逕縣北而東其流清各流至縣東北二百步許而合流謂之三岔河海河南北運淀河之會流也自天津東北三岔口迄大沽口

長一百二十里禹貢所謂逆河者也每伏秋之交
二運并漲淀水爭趨駢注於三岔一口而強潮抵
悟洄漩不下倒漾橫流上游隄岸田廬皆受其浸
所謂尾閭不暢胷腹俱病者也故欲治直隸之水
者莫如擴達海之口而欲擴達海之口莫如減入
口之水雍正三年

命怡賢親王興脩水利

親授方略於南北運河各建壩開河減水分流別途歸海豈

僅爲運河計哉入口之水減則達海之口寬而北
來之永定河南來之子牙河中間七十二清河乃
得綽然入三岔口而東注朱子云治水先從低處
下手正此意也 七省漕程天津衛運河自楊青
驛十里至丁字沽三岔河十里至尹兒灣十里至
桃花口十里至滿溝十里至下老米店十里至順
天府武清縣

謹案海河

並詳見
白河篇

受直隸全省之水輸之於海南

流逕大直沽則有陳家口引河入於賈家沽道引

河南流入焉

陳家溝引河大直沽引河分支也首起天津縣西北黨道沽南流入賈家

口引河長二十里賈家沽道引河在大直沽引河東南首起塌河淀南流逕大畢莊又南流逕李明

莊又南流十里入於海河又東南流逕賀家口則有賀家口引

河凌家口引河首起天津縣城南之波水窪東北流逕高家村馬家寺郭家村陳家莊鄧家莊王

家臺于家臺辛家院至凌北十二里之溝家莊分爲二一東南流逕梨園頭又屈曲東南流至任大

莊爲大任莊引河一北流又分爲二其一東流何家園引河其一北流下入於八里臺引河又北流

逕六里臺分爲二一北流六里入於城濠一西流逕砲臺又分爲二一北流四里亦入城西南濠一

西北逕太平莊入城東壕賀家口引河上接八里
臺引河東流逕佟家樓又名佟家樓引河又東逕

黑牛城又東逕賀家口
由賀家口開入海河 逕何家圈則有何家圈引

河 上接凌家口引河逕李七莊亦曰李七莊引河
又東逕柳淀窪大任莊引河北流入之又東逕

何家圈中何家
圈間入海河 逕雙港則有雙港引河大任莊引

海縣青寧侯引河自青寧侯東北轉南背為蘆北
口引河轉北者逕藥王廟又北逕大寺又北逕大

任莊因以爲名自大任莊分流一北流順曲逕柳
淀窪入何家圈引河一東流逕八里窪爲雙港引

河由雙港
開入海河 南逕白塘口則有白塘口引河自起波

窪東南流逕蘆北口分爲二一北流逕張家村賈
家莊周家莊曲而東北流逕大任莊之南又東流

轉南折而西流又折東南流與東流一支會一西
流逕馬集與北流一支會又東南逕三合莊又

東北逕白塘口白塘口岡入於河又東流折北又屈曲東南流

又折而東流逕鹽水沽則有鹽水沽引河青寧侯引河首

起天津縣東南靜海縣東北之波水窪東北流逕
靜海縣之青寧侯莊又東北流凡七里會於蘆北

口引河蘆北口引河天津縣南蘆北口村南流逕
靜海縣東北境之小孫家莊則有大波窪之水東

流人之又東南流逕大黃花泊莊則有黃花泊之
水東流人之又南流轉東逕大侯家莊又東流折

北逕天津縣境之王家臺又東北逕韓家莊又東
北逕巨各莊長三十里入於鹽水沽引河二河皆

乾隆五年開濬乾隆二十八年議重脩入於緩江
而止鹽水沽引河首起天津縣東南四十里之秋

漠港東北流逕巨各莊又東北入海河地理通釋云河間之豆子坑今鹽水沽也今去海四十里地

斥鹵廣俱東流入焉又東流折北逕泥沽則有泥數十里

沽之水入焉

在鹽水沽
東十二里

又東流折北屈而南流逕

盤沽則有盤沽之水入焉

在泥沽東
北七里

又東南流逕

葛沽則有葛沽之水入焉

在鹽水沽東二十里
二統志相去十里曰新

河又曰大沽長四十餘里明天順初議開海濱二沽以通薊州運道卽此又東爲郝家沽合大沽流

入又東流蘆家莊沽之水入焉又東南流逕黃家

園沽則有黃家園沽之水入焉又屈曲東南流逕

鄧善沽則有鄧善沽之水入焉在郝家沽東十六里又東流

折南薊運河西南來會又東南流經大沽天津縣志大沽

口河流入海處也兩岸壁陡一域中橫土人謂之海門潮汐所至北抵楊村南抵陳官屯西南王慶

坨率二百里皆淡水也鹽潮抵海門而止又東南無舍人者若天設之以限內外斯亦奇矣

流運東沽入於海天津縣新志大直沽以東有吳家嘴買家沽元沽泥沽臥河自

塘口張家嘴四里沿盤沽鹹水沽葛沽東西泥沽雙港鄧善沽郝家沽東沽草頭沽桃園沽邢家沽

上下小汀因地異名其實首海河謹案桃園沽在賈家沽道東南賀家咀東北其東南則為上小

汀下小汀過此始為吳家嘴四里沽在白塘口東北張家嘴在白塘口東南盤沽又在葛沽東南縣

志殊無次序東北尚有馬家口吳家嘴東南尚有田家嘴郝家沽西南尚有駝嘴河縣志失載又縣志載天津河引金史河渠志以泰和六年爲明昌六年又云靜海縣志有界河卽天津河據宋史河渠志王亞謂海口三女砦天之所以限契丹則宋遼分界當在今之直沽所謂天津河者亦當在此是一是二莫得而考天津河常卽今之天津關以其流經天津故得是名非別有一河也 又

案天津縣故道南起碾坨嘴接靜海縣界由楊柳青逕東引河逾稍直口逕北關浮橋至城東北隅三岔口會西沽各派之水入於海東岸北至渠黃口西岸北至獅子林長四十二里有奇河面寬十

九丈深一丈二三尺不等 又案畿輔通志天津
縣本名小直沽東南十里爲大直沽渡元史至元
十五年增立直沽海運米倉是其處也方輿紀要
尹兒灣在天津衛城東永樂初建百萬倉於此築
城置衛以貯海運今去城八里有運糧河自海口
達尹兒灣之運路也據此則明初亦因元人遺規
而增廓之耳然宋史地理志乾寧軍已有百萬倉
想亦貯運之所又在志元之先矣 又案永經淇

水篇又東北過漂榆邑入於海酈注清河又東北
逕漂榆邑故城南俗謂之角飛城魏氏土地記曰
高城縣東北一百里北盡漂榆東臨巨海民咸煮
海水藉鹽爲業卽此城也清河自是入海清漳水
篇注又東北分爲三水一水右出爲澱一水北注
呼池謂之澱口清漳亂流而注於海方輿紀要漂
榆津在鹽山縣東北百里漢時清河爲大河所行
之道河徙而清河卽行之其下合衡漳東北過章

武縣西又東北過平舒縣南東入海蓋是漳水而非清河矣水經東漢人作故以爲清河自漂榆邑入海至北魏猶未改也唐書地理志滄州清池有永濟限宋初有御河至乾寧軍入潮河之說見太平則自隋人開渠以後水道爲之一變漢高城故城在鹽山縣南四十里則漂榆津當在鹽山縣東北百里鹽山北至滄州界六十里其去靜海遠矣紀要云與靜海縣接界何耶

畿輔安瀾志

衛河卷三

附載

羅案是篇黃河故道沁水故道以及諸水故道最爲繁蹟例宜別爲一卷第沁水故

道屬河南衛輝而黃河故道亦未必盡得其實禹貢雖指云九河故道後八率多附會其名爲某河者未必卽古之九河不名爲某河者又未必非古之九河也遠云九河今既無難名則固云自茲距漢亡八枝鄭道元云城池雖存川潰多亡斯爲實錄無事深求道志雜亂者勿論卽如孔穎達於欽率南三河以爲言亦未可盡信是也今並入附載不另立故道

黃河

畿輔通志大河故道有三其一自河南滑縣流入
經開州西北又東北經清豐縣北又東北逕南樂
縣西北又東北逕府城東又東北入山東館陶縣
界此西漢以前黃河經行之故道也一自滑縣入
經開州西南又東北逕清豐縣南又東北入山東
觀城縣界此東漢以後及唐宋時黃河所經之道
也一自河南封邱縣流入經長垣縣南又東經東

明縣南又東入山東曹州界此宋南渡以後黃河
所遷之故道也黃河自金明昌五年南北分流元
世祖至元時會通河成河始全入於淮不經大名
府境明萬厯十五年荆隆口決而長垣東明復被
河患蓋亦一時潰入之水非正流也 方輿紀要
黃河故瀆在開州治南自滑縣流入州界自西大
河經流處也今有瓠子故渠在州西南二十五里
宋熙寧元豐中河屢決於澶州之境旣而大河自

州北決入御河州境河患漸少靖康以後大河益徙而南高河六塔諸河盡成平陸明正統十三年河決開封之滎陽陽武循故道至州南一百二十里東流抵濮州逕張秋入海其流奔擊聲聞數十里俗名響子口尋塞今州東有清河卽大河舊流也二統志其自開州又東北出經大名元城之東者宋時北流故道也開州志黃河故道舊志在州南秦臺距城一百二十里卽俗所稱響子口

後南徙益遠 〔南樂縣志〕黃河故道一在縣西北
郭村十五里到縣自濬縣大伾山北流經內黃黃
灘村至此東北入元城界今惟斷岸沙磧存焉此
西黃河故道也一在縣東宋隄之東距縣十八里
自澶州陂經清豐縣六塔河流至此入元城東館
鎮今亦枯竭此東黃河故道也 〔長垣縣志〕黃河
故道在縣南六十里元順帝時河水暴溢北決白
茅隄頓河邵邑皆罹水害正統十四年河漲景泰

正年始平宏治二年決封邱荆隆口漫於長垣河
復由封邱決口衝城南廣糧隄

國朝順治十七年荆隆口決長垣廣糧隄潰大水漲溢
直至城下數年不退至今河沙猶彌望也 東明

縣志黃河原在縣南響子口後徙杜勝集南關外
去縣六十里許上接三門七井下灌呂梁二洪今
南徙

謹案通志所言黃河故道三支大名府屬州縣首

一支今名柳清河起自開州西南而非西北次一支爲宋時六塔河起自開州東南而非西南亦非東漢以後及唐時故道又一統志言自開州下入大名元城之東者爲宋北流故道則合末一支今爲陶背河支流則明正統宏治間荆隆口決入之流也

明天順中金景輝言汴梁城北東橋舊有古池一池北由長垣縣經曹州至鉅野安興墓

遺後其地界乃出會通河合汶水通臨清卽陶背河其支流又東北入長垣東門之境大抵

秋渠津派悉已改移故道之云未必皆得其實大

河南徙已不經大名府境講水故道紛紛聚訟徒
滋繁惑今姑據諸志舉其大略無取博引諸書

沁水

〔元史董文用傳〕至元十四年詣汴漕司言事適漕
司議通沁水北東合流御河以便漕者文用曰衛
爲郡地最下大雨時行沁水輒溢出百十里間雨
更甚水不得達於河卽浸淫及衛今又引之使來
豈惟無衛將無大名長蘆矣會朝廷遣使相地形

王言衛州城中浮屠最高者纔與沁平勢不可開
也事遂寢 明史河渠志宣德九年沁水決馬曲
灣經獲嘉新鄉水深成河北又滙爲澤築隄以防
猶不能遏新鄉知縣許宣請堅築決口俾由故道
遣官相度從之沁水稍定而其支流復入於衛景
泰三年僉事劉清言自沁決馬曲灣入衛因此沁
黃衛三水相通轉輸頗利今決口已塞衛河膠淺
運舟悉從黃河嘗遇險阻宜遣官視沁決處濬水

流入衛近年始塞宜擇武陟陽武地開一河北達
衛水以備徐浦之塞近者十年前河沙淤塞沁口
沁水不得入河自木藥店東決岸奔流入衛彼時
守土諸臣塞其決口築以堅隄仍導沁水入河而
隄外河引直抵衛許至今存也請建石閘於隄分
引一支由所決河道東流入衛漕州自邳湖河而
上因沁入衛東達臨清則會通河可廢帝命總河
及撫按勘議不行 舊志沁水支河故道自武陟

鄉獲嘉盡淹沒廷議築隄障之都御史楊一魁言
黃河從沁入衛此故道也自河徙而沁與俱南衛
水每涸宜引沁入衛部覆言沁入黃衛入漕其來
已久頃沁水決木欒蓮花口而東一魁因建此議
而科臣常居敬往勘言衛輝府治卑於河恐有衝
決且沁水多沙入漕反爲患不如堅築決口廣闊
河身乃罷其議三十三年茶陵知州范守已復言
嘉靖六年河決盤浦胡世寧言沁水自紅荆口分

資衛軍民運船悉令隨遠近之便而轉輸之詔下
巡撫集議明年清復言之東南漕舟水淺弗能進
清自滎澤入沁河濬岡頭百二十里以通衛河行
人王晏亦言開岡頭置岡分沁水使南入黃北達
衛遇漲則閉閘既而能引沁河議初王晏請漕沁
勅問有司多言不利晏固爭吏部尚書王直請遣
官行河命侍郎趙滎同晏往滎亦言不利議乃寢
萬厯十五年沁水決武涉東岸蓮花池金屹嶺新

縣東引經修武縣西南又東經獲嘉縣南又東南經新鄉縣南又東北經汲縣北入清河

謹案元史郭守敬傳中統三年世祖召見而陳水利六事其五懷孟沁河雖澆灌猶有漏堰餘水東與丹河餘水相合引東流至武陟縣北合入御河可灌田二千餘頃中統三年壬戌下及至元十四年丁丑僅十六年耳而其言與董文用絕殊史又書至元三年六月衛輝霖雨至七月丹沁二河泛

漲與城西御河通流平地深二尺餘湮沒甚衆民
皆棲於樹木郡守以舟載飯食之移老弱居城頭
月餘水方退然則郭傳所云或未悉其形勢利病
也鮑斐英治河議云沁水古入衛者也隋大業七
年始引入黃征高麗恐河不能濟運引沁水大其
勢故也河之南徙也沁仍入衛天順間沁再入河
無制之者考之隋史言開永濟渠引沁水南達於
河北通涿郡所謂達於河者渠道自宿胥口通於

河也永濟渠上游本因白溝之舊沁與清淇會白溝而北由河以入此渠必自宿胥口始開永濟渠使卅山渠道至涿郡避黃河之險卅山由黃河也況黃河之流豈待沁水大其勢哉征高麗在大業七年而開永濟渠事在四年鮑斐英以爲引沁入黃又繫之七年非也酈道元註水經在北魏時下去隋甚遠沁猶入河則引之合清淇必起於大業中矣沁古入衛其說尤踈



陶背河亦曰陶北河在長垣縣南三十里首起河南
封邱縣東北流入長垣縣境又東南流逕魏家莊出
境入於河南儀封縣境

方輿紀要河防考長垣縣南有陶北河相傳爲黃
河故道萬厯中河決河南封邱縣金龍口挾陶北
河決縣之大社口隄長垣東俱被其害 明史紀
事本末宏治二年河決支流爲三其一決封邱金
龍口漫於祥符長垣下曹濮衝張秋長隄一出中

牟下尉氏一泛濫於蘭陽儀封考城歸德以至於
宿州彌漫四出不由故道命白昂往治之昂乃築
陽武隄以防張秋引中牟之決以入淮浚宿州古
睢河以入泗又以河南入淮非正道恐不能容乃
復至魚臺厯德州至吳橋修古河隄又自東平北
至興濟鑿小河十二引水入大清河及古黃河以
入海 河南通志順治九年河決封邱大王廟口
水從長垣趨東昌壤安平隄北大海大爲漕渠

梗河督陽方興豫撫亢得時親駐決口起大名東
昌兗州及河南丁夫數萬治之於丁家寨鑿渠引
河以殺其勢 二統志陶背河一作陶北河在長
垣縣南三十里東流至紙坊集入河 長垣縣志
陶北河在縣南凡遇黃河大溢卽由此東行

謹案陶背河本大河決入而成者水經注河至孟
津又謂之曰陶河魏尚書侯尉杜畿試樓船覆於
陶河謂此也此河在大河之北故曰陶北河又稱

陶背者舜典分北三苗鄭康成註以北爲古別字
孔穎達疏北背也據此則古字北背相通陶背卽
陶北也今陶背河在豫省臨河大隄之內明劉忠
宣所築太行隄之外上游西南一渠自河南祥符
縣剡黃陵南三張陂西起高章市正南一渠自河
南蘭陽大隄根起至高章市二渠合流入陶背河
統計二段自蘭陽縣武家樓入長垣縣境之小河
李東行至蘭陽縣文家集復入縣南之大黃莊天

棚等處東行至魏家莊入東明縣界歸入河南儀
封縣長二十六里迤大河南徙上游惟西南接河
南祥符縣渠溝南接蘭陽縣渠溝至高章市會歸
陶肯河亦無水源間有水窪民間種植蓮葦但資
宣洩懸水不能蓄引灌溉也

陶肯支河亦自河南封邱縣流入長垣縣東南境流
逕周家口穿太行隄逕關龍逢墓又東北流逕新店
集入於沙河

魏書地形志長垣有龍城 太平寰宇記在縣東
南二十里昔夏臣龍逢所居因爲名 長垣縣志
關龍逢墓在龍城東

謹案此水歷來不載蓋亦荆隆口決入之流也東
合陶背河溢入東明縣東南境故名陶背支流長
三十餘里夏秋雨漲常時無水民多耕種其中

沙河在長垣縣西南一十六里自河南封邱縣流入
順治七年大河決自荆隆口由封邱縣小寨村北入

長垣縣境而成此河東北行逕康家道口穿太行隄隄內爲積水潭隄北爲蕭家潭在夾文家集武家樓之間亦積水潭也又東北行逕馬坊折而東流逕戚家寺分而爲二其正支東流逕新店集則陶背河支流之水自西來注之其分支東北流逕總管集呂家寨小青寨竇家寨凡十六里逕東長二縣兩轄之李蓮莊仍入於本河又東北逕楊家橋入東明西南境其下流爲洪河

謹案長垣縣沙河不載志乘其正支自王家莊至李蓮莊長七十餘里其別支自李家寨至李蓮莊長三十里境內瀝水藉此爲宣洩要津下入洪河寬通無阻上無來源不能引灌

新舊引河新引河在長垣縣西南自縣西村東柳園起順隄開挑由紙坊村入舊引河舊引河在縣南二十里紙坊村之東流入於沙河計長二十五里有洩水溝四道皆在縣西南二十四里皆自河南封邱縣

入境俱入於新舊引河而合於沙河

謹案舊引河開鑿之年不可考新引河內有積水潭二一在甄家莊舊隄內一在王家新壩內淵渟不竭長二十四里乾隆十七年開引高村孫東紙坊三溝之水入於舊沙河

陳棗河五里河下流也在長垣縣西北三十里上接

滑縣馬村界有二支

卽洩水溝也

一自縣西二十里之太

子屯起西接陂窪東北行至岔集口一自縣西北二

十四里青岡集起西接陂窪東北行至岔渠口自此
匯爲陳聚河又東北逕學堂壩仲子墓又東北逕羅
鎮屯呂村寺紙糊寨方里集凡四十里出境入河南
滑縣界又自滑縣之青城寺復入東明縣西境約長
六十里其下流爲漆村

長垣縣志五里河在縣北來自滑縣界繞樊相堡
楊家樓小岡村轉逕羅村東南流入於河西南接
小務口五六里乃黑羊山諸水之衝也嘉靖間知

縣白大用濬小務口達於此河以引黑羊山諸水
俾不近城黑羊山卽青岡在縣西二十里平地突
起丈餘土皆青上有寺曰龍泉下有池曰白蓮卽
此河矣

謹案五里河卽古別濮水也水經注濬水篇濮水
又東逕匡城北又東北左會別濮水受河於酸棗
縣竹書紀年曰魏襄王十年丁酉十月大霖雨急
風河水溢酸棗鄆漢世塞之故班固云大堙酸棗

也今無水濮渠又東逕蒲城北又東逕韋城南東
絕馳道東逕長垣故城北方輿紀要大河決溢不
時濮水遂致湮廢一統志濮水本大河支流自黃
河遷決濮流亦湮縣志有衛南陂水受故胙城孟
郭澤王德口諸水自縣東北流逕縣東又逕北逕
桃園而東南匯於衛南陂東南逕柳青河達於澶
淵是濮水雖湮其遺跡猶存矣

逕家河在長垣縣東北二里許自小務口由縣西北

東流至盛家橋平岡陂入東明縣境

東明縣志平岡陂卽古平陂也波流漫衍古濟河

故道俗謂之平岡陂

謹案古濟河卽濮水枝瀆也

大堦河

謹案方輿紀要或曰亦黃河舊流也今長垣縣南爲大堦集與東明縣杜勝隄接長九十七里一統志大堦集在長垣縣東南七十里今此河無考蓋已湮廢矣

白家河在長垣縣東南三十里自毛家潭東入盛家橋

長垣縣志毛家潭在縣東南十五里水深滿不竭相傳中有神龍自萬歷丙戌大旱後浹歲衝淤不復衍沃

謹案二河今無考東明縣漆河經縣東北龍王廟合洪河名曰洪漆會流二河皆其支流白家河疑以白大川所開得名一統志遙家河濮水餘流也

計其方位亦卽五里河之隨地易名者歟

鳳溝

二統志在長垣縣西十里

天鵝陂在長垣縣東南六十里有渠二一自陂南由山東荷澤縣馬家嘴逕韓家莊入境逕孟家莊又北逕龐家水坑長十里一自陂西南龐家莊戶水坑起東至韓家水坑長四里

謹案是陂距縣城東南一百六十里隔東明荷澤

二縣境孤懸大小十三村地窪患水雍正七年開挑渠溝藉此疏宣不能引導

閻家潭

方輿紀要在長垣縣東南六十七里正統十四年河水決入縣境回流衝啗因成此潭今潭

蓮溪在長垣縣城東有二一在紙坊集一在張家灣琉璃井在長垣縣東南四十里之荆岡集在岡畔光瑩若淨

謹案長垣縣志並無通流河道惟縣東南有沙河西北有陳棗河平時皆乾固遇雨沙河之水會陶背支河至東明縣東入於漆河陳棗河之水由縣城北逕仲子墓至方里集出境入河南滑縣境而入東明縣西爲漆河是以上格長隄每黃河決決築隄堵禦之後水不能出往往渟蓄爲積水潭一在滿集周圍約四五畝水深二尺至七八尺不等康熙六十年荆隆口決以成此潭乾隆十六

年二十六年二次河決經久不涸一在王家隄口
周圍約十餘頃水深三四尺至十餘尺中深一二
丈至三四丈不等亦康熙六十年河決成潭縣屬
豬水之最大者也一在叅木村南北寬六十步東
西長二里餘水深二三尺至六七尺不等蓋自順
治七年荆隆口決黃河故道今爲沙河康熙六十
年乾隆十六年二十六年亦被沖刷一在戚家寺
南北寬五六十步東西長二里水深一二尺至五

六尺卽叅木村沙河下流之所積一在辛莊河隄口南北寬五六十步東西長一里水深一二尺至三四尺沙河支流之水一在板邱集周圍約五六頃水深二三尺至四五尺一在朱家口隄北東西寬八九十步南北長一里餘深一二尺至五六尺以上境屬瀝水藉以歸宿然或遇天時霖潦或遭黃河橫潰則此諸潭皆成巨浸且水無來源亦不能宣洩以爲灌溉耕植之利

賈魯河在東明縣南六十里有陳里長渠入之河首
起太行隄根之北元漕運所經也工部尚書賈魯開
北流起段家莊曲折逕大馬王家莊劉三母寨則有
東明集渠入之河至周家橋入山東荷澤縣界其長
五十四里由荷澤縣東北通濮州歸趙王河入於運
河

元史本紀順帝至正十一年夏四月詔開黃河故
道命賈魯以工部尚書爲總治河防使至正河

防紀元至正四年夏五月北決白茅隄六月又北
決金隄並河郡邑濟寧單州虞城碭山金鄉魚臺
豐沛定陶楚邱武城以至曹州東明鉅野鄆城嘉
祥汶上任城等處皆罹水患方輿紀要賈魯河
在山東曹州曹縣西四十里由黃陵岡至楊青村
宏治以前猶爲運道自塞黃陵岡而此河遂淤稍
南卽大河洪流矣

謹案賈魯河本由大河分本自黃陵岡旣塞爲大

行隄所斷故上不與大河通也又東明縣志有柘
河亦在縣南六十里杜勝集稍東南夾河內乃黃
河之支流今涸計其道里方位當卽賈魯河腴里
長渠在東明縣南五十里首起東里長屯東行經
安家莊朱岡寺長三十里入賈魯河東明集渠在
縣東南二十六里首起東明集逕劉三母寨又東
南行十四里入於賈魯河又東明縣志有八里溝
在縣南孫家莊入賈魯河長八里因名乾隆五年

因陳里長屯窪下水勢無所洩知縣郭時於屯東
開濬由八里溝東下長二十二里並遺跡亦疏焉
洪河在東明縣南三里其上源卽長垣縣之沙河及
陶背支河也與漆河會其下流爲七相河

謹案東明縣志洪河由滑縣衛南陂經洪門村雲
臺口會濟水東北抵張秋每秋水時自洪門村至
十里鋪俱遭淹沒康熙四十四年卽縣李遇知累
鑿故道乃得稼穡一統志洪河自滑縣流入東明

縣經洪門村雲臺山又逕南關又東北會濮水入
山東濮州界今濟濮二水皆已淹沒無可踪跡據
水經注濟水乃會濮水支瀆非正流也攷此河在
今縣南西南接長垣沙河及陶背支流自李蓮莊
入境逕葛垆集胡有道屯又逕滿城村至黃軍營
始有洪河之名東流遶城南逕四柳樹轉而東北
至龍王廟北有漆水自西北來會又東北至牛家
口入山東荷澤縣境又東北入開州境爲毛相河

長四十餘里上受河南新鄉陽武原武延津封邱
及長垣瀝水其逶迤曲折蓋如此 又案一統志
古濟水在東明長垣二縣南北濟也東明縣志濟
水在縣南三里卽今之洪河也攷杜佑通典據郡
國志河內溫縣濟水所出王莽時枯絕不復絕河
而南譏水經注爲紕繆禹貢雖指謂自東漢以迄
唐初凡行濟濱者皆河水而猶目之曰濟攷杜氏
力誠水經注不可信然滎濟故道猶可因是而得

其十之七今縣志直以洪河爲濟水非矣濟水入河之道由大河以來幾變而溫縣武德之境其去長垣東明已隔大河此二縣界中安得有濟水水經注引漢書地理志所謂濮渠水首受濟者也閼駟曰首受別濟卽北濟也其下乃叙濮水所經則濮水且不得謂之北濟也又水經濟水又東北流南濟也逕陽武縣故城南又東逕封邱縣南又東逕東昏縣城北酈註武陽縣之戶牖鄉矣漢丞相

陳平家焉封戶牖侯是後置東昏縣也王莽改曰
東明矣水經北濟又東北逕冤胸縣故城北又東
北與濮水合則是逕東明者乃南濟非北濟也攷
漢東明縣故城在今河南開封府蘭陽縣東北二
十里冤胸故城在今曹州西南一統志云東明故
城凡有三一在河南蘭陽縣界卽古陽武戶牖鄉
晉省宋復置其二在今縣界金時以河患徙河北
冤胸故地今日南東明集在縣南三十里明宏治

初徙治雲臺集尋廢今曰西東明集在縣西十五里宏治四年復置縣於大單集卽今治也舊志概以今縣混之皆誤

漆河其上源卽長垣之陳棗河也自長垣縣流入滑縣又自滑縣流入東明縣與洪河會其下流爲毛相河

謹案東明縣志漆河在北門外玉帶橋下西自漆隄東北入洪河自佛堂村迤西河勢平溢每逢水

發瀾漫而來一方患之康熙六年河決釘船幫直
奔漆河自佛堂村至洪門村諸處凡二十餘里衝
爲巨浸乾隆辛未河決陽武漆河東流兩岸坍塌
經歲不涸每逢秋月雨集舟楫可通漕河今考漆
河在東明縣北上洩河南滑縣及長垣瀝水西接
長垣縣境又穿滑縣之陂兒馬青城寺由寺東復
入東明縣境之嘴子頭東逕高堦集李家屯戴家
莊阮家寨崔家樓牛家口至城東北龍王廟與洪

河會流入山東荷澤縣夏文屯境出長五十里

又案水經河水篇注大河故瀆東北逕戚城西春秋哀公二年晉趙鞅率師納衛太子蒯聩于戚今頓邱衛國縣西戚亭是也又濟水篇注濮渠之側有漆城或謂之宛濮亭春秋甯武子與衛人盟于宛濮杜預曰長垣西南近濮水也括地志故戚城在澶水縣東三十里寰宇記在澶州北十里一統志在開州北則此水或以城得名或曰漆河水道

爲北濟伏流出見之處積水通源故邑之北關淵
序不置夫濟濱遷徙淹沒自昔不能指實乃以此
河當之又無他據皆臆說也

灘水

一統志在東明縣南五十里西南自故黃河來折
而東北入山東曹州界今涸故道猶存

謹案括地志雷夏澤在濮州雷澤縣郭外西北灘
沮二水在澤西平地元和志灘水沮水二源俱出

雷澤縣西北平地去縣十四里周禮兗州其浸盧
維鄭注云當作雷雍引此雷夏既澤爲証通典以
爲盧水在濟陽郡盧縣澰水在高密郡莒縣不從
鄭說然周禮多古字雷似盧雖似維字形相近二
水合以注澤則言澰固可該沮也水經瓠子河出
東郡濮陽縣北酈注縣北十里卽瓠河口也尚書
禹貢雷夏既澤澰沮會同爾雅水自河出爲澰許
慎曰澰者何澰水也暨漢元光三年河水南決武

帝塞瓠子口水亦以瓠子受名焉永平十一年顯
宗詔王景治渠景乃遏衝要疏決壅積瓠子之水
絕而不通惟溝瀆在焉蓋古濟濮濌三水皆大河
相通在直隸開州長垣東明二縣境惟濟瀆久枯
志家以水經注又逕東昏縣一語而載入不知其
會別濮水之流也濮濌二水亦漢時河決之故道
今屢爲河水所奪河去而道存所謂名是而實非
也

牧豕澤在東明縣境本名長垣澤

東明縣志東漢吳祐年二十常牧豕澤中行吟經書

謹案後漢書吳祐長垣人牧豕於長垣澤中則此澤當在長垣今東明縣西二十里有吳家村祐及父恢冢墓在焉蓋本古長垣地後割隸東明也

魚窩在東明縣南十里

謹案此窩今不可考東明縣志以爲太公釣魚處

亦流俗譌傳耳

毛相河一名毛線河在開州東南九十里東明縣洪漆二河會流之下尾也自東明縣東北境之牛家口流入開州東南境東北流逕岔河頭分爲二一支東流入山東荷澤縣境其下流爲魏河一支東北流逕油家樓亦入山東荷澤縣境瀦爲薛家潭又自荷澤縣復入開州東南境東北流逕小習城又東北流逕白堈集凡二十里出境入山東濮州界其下流入於

運河

謹案此河亦不見志乘蓋流俗所傳耳方輿紀要
濮渠在滑縣南舊自河南延津縣分濮水爲渠又
東入開州界仍合於濮水疑卽此河今考其河身
凡兩入開州境皆涸無水

柳青河在開州西南三十二里自滑縣衛南陂分流
至小韓村入境一支東流逕沙窩村梁二莊又東北
流逕大陳村爲柳青河又分爲二俱東滙於澶州陂

一支東北流三十里仍入於柳青河又東流逕洪洋山八里莊東郭城又東逕小濮州石墓頭出境入山東濮州草寺界

大名府志衛南陂由滑縣南界繞城迤北逕桃園而東南滙爲衛南陂或曰陂卽衛南縣廢治一統志古定鎮在開州東南六十里俗稱小濮州

謹案柳青河爲漢唐大河故道舊志稱爲瓠子河

其下流爲霸家河

卽清豐縣之馬頰河俗謬稱方爲霸家河於道州陂分水

輿紀要開州東二十里有清河

清河頭在開州東南十里上通柳青

河

卽大河舊流殆爲此也今考此河舊槽雖存源

流久廢向爲漚水浮蓄之區土人多播種其中其

河北又爲沙隄所障

卽宜防隄

非東注濮范不能宣洩

東省以恐妨運道民田未便議開惟藉濮州西界草寺後小溝一道下通水路而已

又案川瀆異

同大河舊在開州城南漢之濮陽宋之澶州皆其

地也熙寧十年大河決於曹村

在開州西南澶淵北流

斷絕元豐四年決口塞河復歸北金大定以後河

益徙而南澶州之流遂絕正統十三年河自陽武

衝入故道直至州治南東抵濮州壞張秋隄入海

後復塞治蓋瓠子

漢決河

靈平

卽曹村埽宋改名

之舊跡皆

不可識矣山居贊論自滑縣開州以下此秦漢以

來之故道非禹治水之故道也史稱漢武塞瓠子

而導河北行廝二渠復禹舊跡殆非然也 又案

澶淵陂在開州城南五里周圍幾三十里開州志

或曰古繁水也舊志在頓邱廢縣西南三十里伏流至古繁水城萬厯十七年知州邱東昌始臨陂築郭家塞距州城五里四百八十步今濮州清豐南多有阻塞水不能達方輿紀要澶州故頓邱城西南二十里伏流至南樂廢繁水城西南合於繁水亦曰繁水志云頓邱故城西北有泉源卽詩所云泉源在左者今考澶淵亦名繁泉非有二水也衛詩泉源在左淇水在右蓋舉左右出入爲言卽

今百門水水經注謂爲泉源水也志以澶淵當之
非是又寰宇記澶州頓邱縣東北三十里有泉源
祠亦不引詩爲證無容強爲附會又南樂縣志縣
西北三十里有王隄村繁水所經也其隄南入清
豐北入大名縣界今繁水旣涸非故流矣東武陽
城在今山東朝城縣境考之近志則此水爲馬頰
朱龍之滙流昔由大名東入衛者也

朱龍河一名豬龍河舊自澶州陂北穿隄分入今淤

平無跡首起開州東北由柯南窪地始有河形西北
行逕東北莊入清豐縣西南境逕紙坊又西北逕清
豐縣城北則有馬頰河分支穿啞叭隄口東流來滙
又東北逕英滿城吉林入南樂縣西南境又東北逕
胡家莊至於礮固而流絕其下枯河環城爲濠又東
出爲路溝東北逕韓家集又東逕五龍口又東入於
龍窩河

謹案朱龍河本漢時黃河由潔川之路又爲朱時

商胡決口故道清豐縣志云在縣東七里南樂縣志云在縣西南四里源自開州澶淵分流通清豐縣城北至縣東北趙家莊曲折南回復入開州界注黑龍潭今考黑龍潭在開州之西南宣防殘隄

側

二十四里又南二里爲蓮花潭二水相通開州志黑龍潭在宣防宮下瓠子河口大旱不竭蓮

花潭方五頃秋水泛溢與龍潭通

近柳青河上流此河旣北歷清

豐南樂下尾東直山東之朝城不得又南注黑龍潭方輿紀要亦同其誤又紀要云朱龍河一名龍

窩河龍窩蓋朱龍之分支也寰宇記濮陽縣西南
八里有赤龍窩州志在州南別駕里意卽朱龍所
由名也 又案朱龍河上游寬廣昔於清豐縣啞
叭隄口匯入馬頰河合流東行至龍窩河入朝城
境由莘縣陽穀聊城入運因朝城有順溝一道自
南而北溝旁夾埝約長二十餘里康熙三十七年土人築障
水不復東行以致上流漸次淤平盡失河形每朱
龍漚水過甚卽灌入南樂城濠從城東路溝逕轉

家集大屯村入蓮花池由韓張東路溝洩水三分
歸元城縣馬頰河又自五里屯十里屯夏莊由韓
張逕五羅村四紫金村入五龍口穿龍窩河入南
樂朝城二縣交界之路溝仍歸朝城順水溝尾引
入馬頰河稍資宣洩故五羅村四紫金楊柳二集
龍窩村四處受水害尤甚

西湖在開州西南

方輿紀要在城西南舊時河流滙入積而成湖夏

秋瀾漫甚廣後漸淺涸然猶渟流蕩漾周數百里
今無復舊觀也開州志今久無蓄水惟存沙灘
不毛之地

南湖在開州東南得勝隄下

開州志每秋潦輒成巨浸望之如湖

寒泉

方輿紀要寒泉岡在開州西南水經注濮陽城側
有寒泉岡卽詩所稱爰有寒泉者世謂之高平渠

非也

御井

天名府志在開州南泉極甘冽宋真宗駐蹕時鑿司馬陂在開州有溝渠與東明犬牙相錯

司馬陂渠首起東明縣西北之西華集自河南滑縣流入東北流逕芟河村青家村柿子園長二十二里入開州南境之永樂村復入縣境又東流入開州之韓村逕張家莊入縣東北境之韓家岡長二十四里

而入山東荷澤縣界其支流入於毛相河

謹案此河以相近司馬陂得名卽黃河舊道地勢

低窪乃積水之區乾隆十五年知府任宏樂開西

自公西集

卽西華集

起東至韓家岡入漆河長二十五

里至今開州東明共浚以資宣洩

安邱陂在開州西南今涸

胡柳陂

方輿紀要在開州東南五十里與山東濮州接界

五代梁貞明四年晉王存勗與梁軍大戰處

趙村陂在州北

謹案趙村卽宋史河渠志所謂趙村征者也方輿紀要卽六塔河今其地亦在趙村舖現在濤豐縣之六塔舊渠不與此陂通蓋爲沙淤也此陂亦有渠溝本係城濠潦水與城西官路溝之水匯復東北行穿金隄至趙村又西北行至觀音堂北與城北二溝水會二溝一自孔惺城南起一自西白倉

南起至仲子墓東北合爲一溝至觀音堂合趙村
陂水北逕朱家隄口入清豐縣之馬頰河長三十
里 又案大名府志硝河東北注戚城東匯爲趙
村陂考今朱龍河硝河皆不與此陂通府志所序
水道與今時全不合或水道變遷未可知也又開
州志有丈留陂大張陂寨城陂項城陂老君堂陂
但云諸陂皆低窪不言所在皆湮廢不可考

馬頰河在清豐縣西南二十四里來自開州其上流

有二支一首起開州城濠北流凡三十里至觀音堂
會州西北之渠溝一首起開州北十五里之孔悝城
東北行八里滙西白倉水又北逕觀音堂會趙村陂
水合流出境入清豐縣西南境之宋家隄口是爲馬
頰河又北逕永固村則有順水河之水自西來入之
又北流逕江濱廟清豐縣故城西又北逕啞叭隄分
支東流逕鄭家墳與朱龍合其正流又北流逕北李
固入南樂縣西南境又北逕閭王廟杏園村又東北

逕岳儒固名岳儒固河又東北逕倉頡墓又東北逕
西小樓入元城縣東南境其下流爲沙河此河水下
道成枯瀆惟岳儒固稍通積水

方輿紀要 縣平陽城在葺城西二十里謂之平

陽亭

謹案此疑卽孔悝城也水經注引春秋傳云孔悝爲朔曠所逐載伯姬於平陽行於延津

考今本左傳哀公十六年是載伯姬於平陽而行及西門無於延津三字馬頰河在元

城縣東五十里自開州流逕此澗約百步今雖枯
竭故道猶存靈雨泛濫輒害禾稼下流入山東朝

城等縣

謹案是河卽唐時所開之馬頰河東入昌平縣者

也

禹貢雖指唐有馬頰河山瀋州新豐界東北至昌平縣合馬篤河

又宋臣股河

東流故道南樂縣志岳儒固河在縣北四里岳儒

固村西南自清豐界來經縣之得固村迤陳流至

此漚爲傅家潭東北流注方山固爲方山固河又

北爲潘家河北入大名界卽金隄所障者河久枯

竭夏秋水盛瀾漫一里餘亦黃河支流也考清豐

境內舊有朱龍馬頰二河朱龍河小而窪馬頰河
水大而地高每夏秋水集馬頰之水全注於朱龍
河至邑南趙家堦固卽趙家莊丁堦固遂出泛溢朝城復
於其境上橫亘築隄以遏其去路上流旣決下流
復壅啞叭隄決口旋築旋塞清豐南樂二邑士民
訐訟不休馬頰河每漑水盛漲下流高阻卽泛溢
爲災幸啞叭隄口開通引入朱龍河稍紓水患因
爲陳迹不復隄塞

六塔河在清豐縣東南三十里舊自開州馬寨北入縣境逕黃龍潭今自黃龍潭以南河形淤廢不可復考卽以潭爲源北流逕埝頭瓦屋頭漢寨草場西陽疇新莊集山峒村理安吉村凡四十三里而入南樂縣界散漫出野不復更有河形矣

方輿紀要清豐縣東南三十里有六塔故渠

謹案此卽宋李仲昌所開引商胡北流入橫隴故道之遺跡也今自黃龍潭已上理安吉村以下俱

無河形其流久絕矣

順水河在清豐縣西四十餘里白河南內黃縣之
七張固流入境東流逕順河集許集出開州北金家
橋下又東北復入縣南境逕永固村又東北逕潘生
村又東北入於馬頰河

謹案此河不見志乘今其名相承其形猶存

雞爪渠

方輿紀要清豐縣有雞爪渠在縣東宋紹聖初河

決內黃吳安持塞梁村口縷張包口開清豐口以東雞爪河分洩河勢之是也今堙

謹案金史高霖傳請開雞爪河殺以水勢是在金時此河猶不廢也

頓邱井

謹案清豐縣志後漢建興二十一年青龍黃龍見頓邱縣井中考後漢無建興年號或疑爲建安之誤然後漢書獻帝紀魏志太祖紀建安二十一年

都無此事蜀後主號建興則十六年已改延熙無
建興二十一年魏志三少帝紀高貴鄉公甘露三
年青龍黃龍仍見頓邱冠軍陽夏縣界井中史文
總記不知頓邱井中所見之龍爲青爲黃而縣界
之井亦不知其在何井今清豐縣南三十里有黃
龍潭約二十餘畝其水淵深經歲不竭有龍王廟
宋人於此開六塔河豈當時頓邱所見爲黃龍歟
諸志好爲傳會其謬往往如此今以頓邱古地姑

存之

黃龍潭在清豐縣東南三十里舊爲六塔河所潴今則上流已絕爲六塔河起處矣

龍窩河在南樂縣東四十里自山東朝城縣齊家河入境北流逕大清集又北流逕龍窩寺而流洶

〔謹案〕南樂縣志龍窩河在縣東四十里舊自觀城大周村流入經縣之英村至龍窩村止世傳龍潛於此故名方輿紀要龍窩河在南樂縣東四十里

自山東觀城縣界流逕縣之英柯又逕縣南入清

豐縣界或曰本大河故瀆也唐開元十四年魏州

河溢

見唐書明皇本紀

其決口謂之龍窩自宋以來縣爲

大河經流之道其後河旣南徙餘流斷續不一因

隨地之一名云今考南樂縣東至朝城縣界四十

里清豐縣東至觀城縣界三十七里清豐至南樂

之東北此河在南樂縣東紀要誤也今河身至龍

窩寺而止已不復入清豐之境土俗相傳是豬龍

龍河分支豬龍河起自開州逕於清豐入於南樂
無復更有分支之處大抵水迹淤廢不可考者多
矣

八里河

南樂縣志須防村有八里月河

清水鎮河在南樂縣東

方輿紀要宋人引河出此入於二股渠所謂清水
鎮河也其後河流漲溢鎮跡湮廢

謹案清水鎮河見宋史河渠志

傅家潭

南樂縣志在縣西北四里岳儒固村約周里餘清可見底蓋馬頰河所緒也今河存而潭廢

支河

天名縣志在縣西明萬厯中郡守涂時相新開距城僅半里許累肆衝決知縣趙一鶴請於郡守翟時雍塞之天名縣知縣顧咸泰支河開塞議畧

神宗三年郡守涂以彤家言南自壩口開支河十餘里北抵艾家口漳河舊身建石閘引水入城濠其流逕大名邑西門外蓮花池一帶地勢加於城頭兼以新隄鬆小卽於本年夏水大發從縣正西潰隄東奔環縣城三月城岌岌莫保三十三年夏復由縣西決隄東溢督夫防塞僅免三十五年夏淫雨閏月土民增築土隄幸從下流簪厰決口上溢薄縣城大隄外三十八年六月復從縣西決口

東注決范勝隄從張家潭口上溢薄隄外蓋支河
之爲邑害如此夫以衛水沆漭之力注於城廄不
至蕩析此小邑不止矣況累歲俱從關口四溢卽
關之恐不遠顧可引之使來乎且以青島五行家
論縣脉自西發衛水南環若移衛於支河則斷西
來之脉驅南環之秀大不利也今壩旣塞支河之
患可杜又有瀘河新隄斯城池學校不至兩妨矣

張家潭

方輿紀要在大名縣東二里魚藻繁衍冬夏不涸
昔有縣令張珩者結廬讀書其上因名大名縣
志今半爲平田每秋水遶郊必首注之衛水自東
南決亦由此而溢浸灌城池

三角潭

二統志在大名縣東十五里方塘百畝歲久不涸
或以爲卽龍湫也大名縣志有牧李范三隄並
峙故名今衛水灌合涓涓巨川帆檣連泊

窪水窪在大名縣境別有經流非出泉谷志所不載
頗漫田間沮洳爲患

沙河一名流沙河在元城縣東南九十里其上流卽
馬煩河也自南樂縣之西小樓流入縣東南境之王
小樓北流逕東館集又北逕冢北集入山東朝城縣
境

方輿紀要沙河在大名府東北西十里河南北約
長二十里東西濶二里流常不定故曰流沙下流

合於漳河 二統志在元城縣東大河支流也今

涇

謹案此卽馬頰河之下流其先大河支流也居濟
一得直隸之成安縣栢寺營有通漳河之新河一
道直至山東館陶縣之沙河卽古之所名馬頰河
是也溯而上之宋史程昉傳自衛州王供埽導沙
河入御河以廣運道哲宗元祐四年李偉開北京
南沙河直隄第三鋪放水入孫村口元符三年張

商英陳五事一曰行古沙河又溯而上之春秋定公七年齊侯衛侯盟于沙左氏傳謂之瑣杜預曰元城縣東有沙亭晉地道記元城縣南有瑣陽城蓋卽沙亭在今大名府東此水因地以受氏其來古矣

幹河支河在大名縣東北下流入元城縣明崇禎五年元城縣令方世顯開今湮

飲牛口官渠在元城縣城東五十里明嘉靖二十四

年開

明檢討晁瑛飲牛口新開官渠記畧大名地枕衛
河有曰飲牛口在郡城東阻河十里蓋元城大名
二縣之近境也勢故下民甚苦之嘉靖乙巳府守
陳公以聞於撫檄元大濬樂四縣相視開洩創爲
大渠渠之制沿官道而疏之與民田邈不相涉廣
二丈有奇深一丈二尺有奇其上復設木爲橋以
便行者延袤共一千八百餘弓約其地之可墾者

踰八百餘頃經始於丙午仲冬未踰月而竣事今年夏大稔得麥幾十餘萬斛